

Headline	Fama anjur jualan jimat belanja Aidifitri @ Pasar Tani		
MediaTitle	Harian Ekspres (KK)		
Date	02 Jun 2018	Color	Black/white
Section	Tempatan	Circulation	25,055
Page No	3	Readership	75,165
Language	Malay	ArticleSize	146 cm ²
Journalist	N/A	AdValue	RM 310
Frequency	Daily (EM)	PR Value	RM 930



Fama anjur jualan jimat belanja Aidilfitri @ Pasar Tani

KUALA LUMPUR: Lembaga Pemasaran Pertanian Persekutuan (Fama) akan menganjurkan 'Jualan Jimat Belanja Aidilfitri @ Pasar Tani' bermula 8 hingga 14 Jun bagi memudahkan orang ramai mendapatkan barangan keperluan menyambut Hari Raya Aidilfitri.

Ketua Pengarah Fama Datuk Ahmad Ishak berkata setiap kali tiba musim perayaan seperti Aidilfitri, sudah pastinya akan berlaku permintaan yang tinggi bagi beberapa jenis barangan keperluan antaranya daging lembu, ayam, buah-buahan dan sayur-sayuran.

"Melalui jualan khas ini, saya percaya ia akan memberi alternatif kepada orang ramai untuk mendapatkan keperluan mereka secara mudah dan mempunyai pilihan lain selain pasar-pasar lain yang sedia ada.

"Orang ramai juga boleh menikmati diskaun antara lima hingga 20 peratus di 724 lokasi pasar tani di seluruh negara," katanya kepada pemberita pada majlis

pelancaran Promosi Mangga Harumanis ke Pasaran Hotel, di Hotel Istana, pada Khamis.

Beliau berkata bagi musim perayaan kali ini, Fama juga akan mengadakan program jualan terus dari ladang yang melibatkan pekebun sayur dan buah-buahan yang menjual sendiri hasil tanaman mereka pada harga yang lebih murah dan berpatutan.

Ahmad berkata Fama juga akan melakukan pengawasan di semua pasar tani agar tiada peniaga menaikkan harga jualan sesuka hati.

"Saya berharap semua peniaga pasar tani mematuhi harga kawalan yang ditetapkan oleh Kementerian Perdagangan Dalam Negeri, Koperasi dan Kepenggunaan.

"Saya juga ingin menasihatkan pengguna agar mengemukakan aduan kepada Fama jika ada peniaga pasar tani kami yang menaikkan harga," katanya. - Bernama